



“I te cherdì con to ennom” dij le Signur.

Con le Sacramont dal Bato ven tuc sò tla comunità dla Dliija:

- Giulia Ellemunter**, de Matio y Madalena,
- Isabella Palfrader**, de Jan y Marion,
- Elias Palfrader**, de Manfred y Claudia.

La ploania i fej les miús aodanzas ai geniturs: Idio, la Oma dal Ci y i Sanc Patrons acompagneii Giulia, Isabella y Elias con sòa benedisciun y proteziun.

- **Pilora da Pasca:** deache al é l'ann dla confermaziun é le tema dla pilora da Pasca 2017 **Bato, Confermaziun, Spirit Sant**; al dess ester n invit a ponsé do a l'emportanza de chisc Sacramonc y desche le Spirit Sant opereia te vignönn nos.
- **KVW:** le KVW met da jí en **domegna ai 26 de merz**, ales 10:00 te Ciasa dles Uniuns, n referat con informaziuns „**lerpejun y testamont**“ con la dr. Obojes Manuela (avocat). Düc é der bel enviés.
- **Comun de Mareo:** al ven lascé alessei che en **lönesc ai 27 de merz** s'abina ales 20:00 tla Gran Ciasa düc chi co á stales y üces o rajuns sön les munts de **Fanes, Senes, Fodara Vedla, Fojedöra y Tamerse** por baié fora la cuestiun da les meter a "Grundbuch". Düc é der bel periés y enviés da tó pert.

1 enformaziuns y terminis

KVW Seniorencub: sce zacai ess enteres da tó pert a en curs de basa de computer (Schnupperkurs), dessai se meter en contat con Lidia Taibon ☎ 339 7899107.

Zenter Families Mareo/1: "lu aldi lapró - Co podunse pa sostegni nüsc mituns al miú, tai systems desvalis?" Cösc é le titul d'en referat organisé dal ZFM co ven tigní en jöbia ai 30 de merz ales 20:00, te salf dla Raiffeisen. Referenta é la ddra. Kathia Nocker - pedagoga, insegnanta, coach sistemica - co á plü agn d'esperionza tal laur con mituns y jogn tal ciamp dla scora y fora dla scora. Ara nen jará dal svilup de mituns y jogn dla puberté, dal post dai mituns te familia, scora, scolina, uniun, comun y e.e.

Zenter Families Mareo/2: le ZFM envieia dötes les families ala sontada generala en sabeda ai 1 d'aorí ales 15:00 tal salf dles manifestaziuns d'Al Plan. Por i mituns sarál dales 15:00 ennant en entratenimont cun le VKE " Spielbus" da Balsan, de vigne sort jüc, laur de creativité y bela compagnia, val da mangé y da bere. Gnide trec.

Sorvisc ai Jogn: le SaJ adöm ala Uniun dal Teater da La Val met a jí d'isté en proiet teatral - pedagogich te cater lingac. Al pó tó pert jogn y jones dai 15 ai 25 agn. Al gnará organisé en workshop olache i partezipanc enstesc podará cherié na figöra y realisé en toch tres improvisaziun y creativité da scrí, l'amplié con musiga y ala fin le porté sön paladina. La rejia ven sorantuta da Barbara Rottensteiner Comploi co á na gran esperionza tal laoré con jogn y jones. Les iscriziuns é debann y ven tutes sò cina ai 30 de merz sön www.proiec.org. Informaziuns te Sorvisc ai Jogn, ☎ 0474 52307.

Döt le bun a: düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploan: **Signor Heinrich Perathoner**
 E-mail: **ploania@gmx.net**

Calogna Al Plan: **0474 501006**
 Radio de Ploania: **93,00 Mhz**



Sön la strada dal Iominus

📖 1 Sam 16, 1b.6–7.10–13b | Ef 5, 8–14 | Jan 9, 1–41

Dal Vangelo do San Jan:

¹Jenn por tru, â Gejú odü n el co ea verc da so nadé ensö. ²Danló l'á sü discepuj damané: Rabbi, che á pa fat picé? El enstes? O á sü geniturs fat picé, ch'al é nasciü verc? ³Gejú á respognü: No sü geniturs, no el n'á fat picé, mo l'opra de Dio dess gní manifestada pa d'el. [...] ál spodé ia por tera; spo ál fat con la spöda na pasta, ti l'á sferiada al verc söi edli ⁷y ti á dit: Va y láete tal le de Scíloa; Scíloa ô dí: L'Anunziadü. L'el é jü y s'á laé. Y canch'al ea endò gnü, odêl. [...] ¹³Danló ái condüt chel el, co ea sté verc, dai farisês. ¹⁴Al ea endere sábat en chel de che Gejú á fat la pasta y ti á daurí i edli. ¹⁵Ince i farisês l'á damané, cò mai ch'al odea endò. L'el ti á respognü: Al m'á motü na pasta söi edli; spo m'ái laé y sen veighi. ¹⁶Valgügn farisês miná: Cösc chescian ne sciafia nia da gní da Idio, deach'al ne ten nia le sábat. Mo d'atri dijea: Cò pó pa n piciadü fá de te' segns? Ensciö él salté fora na despartiziun danter ei. ¹⁷Spo ái ciamó n iade damané le verc: Ci nen dijeste pa enstes de d'el? Al á pö daurí tü edli. L'el á respognü: Al é n profet. [...] ³⁵Gejú á aldí, ch'ai l'á sciüré fora, y canch'al l'á encunté, ti ál dit: Creieste tal Fi dal Om? ³⁶L'el á respognü: Che é pa chel, Signur? Dimal, por ch'i creies te el. ³⁷Gejú ti á dit: Te le veighes dan da te; chel co baia con te, chel él. ³⁸Y al á dit: I creii, Signur! [...]

I ponsun do

Al é na vercité co ne ven nia dai edli mo dal cör. Ara fej ch'i odunse ma le slet dai atri y nia nüsc fai. Cösta vercité ne se lascia gnanca odei che d'atri á debojügn d'aiüt. La vercité dal cör é piec co chera dai edli, deache con le tomp s'amara döta la porsona. Gejú ô se daurí nia ma i edli mo ince le cör.



I periun

Beldio, tö as mené to Fi desco löm dal monn. Daür nüsc edli y nüsc cörs a sòa vijianza co varesc, y fá ch'i odunse ince i debojügn dles porsones encer nos ia. Por Crist, nosc Signur.

Wilhelm Egger "Sonntagsbibel"

📖 **Letöres dla Cuinta domegna de Carsema:**
Ez 37, 12b–14 | Rom 8, 8–11 | Jan 11, 1–45

Edema liturgica dai 26.03. ai 02.04.2017

DOM 26.	Cuarta domegna de Carsema "Laetare" Larissa (Lara), de dal Seminar y dai internac y dles scores dla dlijia Tecla
08:30	gran messa por dōta la ploania → <i>oferta por le Kassian-Tschiederer-Werk</i>
14:00	funziun dal Bato de Giulia Ellemunter, Isabella Palfrader y Elias Palfrader
Lön 27.	Haimo, Frowin de d'oraziun personala y te familia
Ded 28.	Guntram, Wilhelm, Ioana
07:30	s.m. por + Maria Willeit, Ansele/Balsan s.m. por + Isidor Pedevilla, Brach
▶ 19:30	preparaziun y pissia da Pasca por l'Uniun dai Ei, s.m. de ringraziament en onú de Sant'Ojep con Comuniun da Pasca
Dem 29.	Helmut, Wilhelm, Ludolf
▶ 19:30	funziun con les Staziuns con i crejimandi
Jöb 30.	Diemut, Roswita
▶ 19:30	preparaziun y pissia da Pasca por l'Uniun dles Eres, s.m. con Comuniun da Pasca s.m. por +ti benefaturs, s.m. en onú de Santa Maria y de Sant'Ojöp da Oies
Ven 31.	Cornelia, Guido, Benjamin astinonza dla cern
▶ 14:30	preparaziun y pissia da Pasca dai scolari dla scora mesana
▶ 19:30	meditaziun "Les Set Parores de Gejú sōla crusc"
Sab 01.	Irene, Hugo, Gilbert
▶ 19:30	preparaziun y pissia da Pasca por la Joneza, s.m. con Comuniun da Pasca s.m. por + Massimo Topran Cutin
DOM 02.	Cuinta domegna de Carsema Francesch de Paola, Maria d'Egit
08:30	gran messa por dōta la ploania y devoziun a Santa Maria <i>oferta por i debojügn dla ploania</i>
▶ 19:30	Via Crucis de dōta la comunité
ampola:	por fam. Ploner, Plazores
ministronc:	▶ da doman y domegna: Florian Rindler y Armin Frontull ▶ da sera y domegna: Anita Brandlechner y Federica Ellemunter
i recordun:	Sr. Ludovica, Notburga Mühlmann, Balsan + 29.03.2014 Maria Kehrer, Porsenú + 30.03.2012 Maria Agreiter ved. Chizzali, San Martin + 31.03.2012

Fá deplü fora dla Carsema – aziun dl'Unité Pastoral Val Badia



"Fá empara! A ci podessi pa renunzié?"

L'Unité Pastoral Val Badia envieia vignönn y vignöna a fá deplü fora dla Carsema. Jenn fora da na parora dal Vangelo dla domegna metunse dant edema por edema na proposta concreta por valorisé danö la ligreza y la speranza liada ala Bona Noela. Les esperionzes pó gní partides con i atri les publichegn sön la plata facebook (Gruppe: Aktion Verzicht) o internet (www.aktion-verzicht.net)



„Co éσαι pa gnüs dauris tü edli?“ – Jan 9,10

Tan gonot ch'i sun adorbéis dai massmedia encer nos ia. Cöst'edema prói da filtré les enformaziuns y da fá a manco de chisc mesi can che al n'é nia debojügn.



Beat Josef Mayr-Nusser

La Diozeja da Balsan-Porsenú á con encò n Beat nō. I adorun cōsc mártire. Al nes dij tan emportant ch'al é ch'i formunse nosta conscionza. Al nes dij che nosta conscionza nes deida da reconesce y da fá la orenté de Dio. Al nes dij ch'i desson baié y nominé l'iniustizia, deache sce degügn ne dij mai nia, ne se müdel gnanca nia. Al nes dij ch'al é nosc dovei da dé con coraji testimonianza de Gejú Crist. Al nes dij che con l'amur podunse müdé le monn. Al nes dij che dagnora y endlunch olach'i sun, sunse portés da Chel Bel Dio, co ciara tres de nos.

Josef Mayr-Nusser, tō beat de nosta tera, preia por nos, ch'i se sontiunse deplen strumonc de Chel Bel Dio, por che al pói tres nos costruí so regn. Preia por i mituns y i jogn, i maridés y les families, chi co laora tal sozial, por i laics y i prei. Deidesse te cōsc nosc tomp da ti dé n müs al vangelo – nosc müs.

Beat Josef Mayr-Nusser, preia por nos!

Vesco Ivo Muser, 18.03.2017

La pordica dla munt cuntada ai mituns (10)



Dai tesurs dal Ci

Por en momont él sté danló sōla munt n gran chît. Gejú ciarâ da önn al'ater y â spo baié ennant: No abinéde adöm tesurs sön cōsc monn. Lotri podess s'ai arobé y nia n'é veramonter al sogü. Döt ci ch'i abineis adöm atló sön cōsta tera passa y nia ne sará por dagnora. Fajéde dal ben y daidesse önn con l'ater. Le bun ch'i fajes é i tesurs che le Pere sō al Ci veiga y ch'i se davagneis pa d'el. Osc cōr taca al patüc ch'i eis sön cōsc monn. Sc'i chiriis endere tesurs sō al ci, spo se lieia osc cōr al Pere sō al Ci.